

جریدہ علیہ

مشیتِ جلیلہ اسلامیکہ جریده رسمیه میر

غره رمضان المبارک سنہ ۱۳۳۸

پنجنی سنہ

اون بش کونده بر نشر اولنور

عدد ۶۰

رمضان مغفرت نشان مناسبتيله دارالحکمة الاسلاميه طرفدن

مسلمانلره خطاباً نشر ايديلن بياننامه در

حلوليله مشرف اولديغيز رمضان مغفرت نشان جناب واجب الوجودك امت محمدیه اك بيوك احسانيدر . بوشهر مغفرتده جناب حق امت محمدی فرائض مكتوبه مياننده مكافات آجله سيله ذات جليل الشاننه اضافه بويورمش اولديني غريضة صوم ايله مأمور بيوريور . نور ايمان ايله تنوير جنان ايتمش اولان هر مؤمن موحد كرك بو وعد الهميك تضمن ايله مكده اولديني تبشيري ، كرك فريضة صومك قدسيتني ملاحظه ايدرك اخلاص تام ايله بوفريضة بي ايفايه غيرت وبوصورتله دنيوی ، اخروی احراز نصاب سعادت ايلر . شرائط معلومه سنه رعايت صورتيله ادا ايديله جك اولان فريضة صومك مادی ومعنوی فوائد ومحسناتي تعداد ممكن دكلدر . آنحق عبادات و طاعاتك ضمننده كي فوائد ومحسناتدن مستفيد اولقله برابر بز مسلمانلر جناب حقت اوامر سيحانيه سني ، او اوامرك ايفاسي بويتمزه بورج اولديني ايچون ايفا ايدر ومقابلنده رضای الهيدن باشقه برشي بلكه مه يز .

ايشته عبادات و طاعات ايچون شرط لابد حكمنده اولان اخلاص تام بوندن عبارتدر . واجب تعالى وتقدس حضرتلري اوامر الهميه سنه امثال ايدنلري ايكي جهانده عزيز ، عكسي صورتی الزام ايلينلري دنيا و آخرتده دليل ايلر . جناب حقت امداد الهميه سنه مظهر اوله ييلمك ايچون اوامداده استعداد تحصيل ايتك لازمدر . انسانلر كنديلرينه احسان بويوريلان نعمتلري كندی ألريله تغير ايتمز لرسه جناب حقه عطا ياي الهميه سني تغير وازاله ايله من . هر قومك اقبال وادباري هيچ شبهه يوق كه كندی نتيجه اعماليدر . سنه الله تبدل قبول ايتمز ؛ عالمده هرشي نوع اعماله تابع ، منوال استعدادده كوره جاريدر . ايلنكك جزاسي ايلك ، فنا لك جزاسي ده فنا لكدر ؛ مادامك قانون عالم بويهدر ، بزده عقلك ، شرعك كوسترديك يوله كيدوب ظهور خيره مترقب اولملي يز . اوغرا ديغيز فلاكتلرك بزي دالمش اولديغيز غفلت او يقوسندن او ياندير مسي لازم كلير . برمدتن بريدهر نه دنسه احكام اسلاميه به قارشى شايان تأسف برمبالا تسزلق كور بليور . بو حالك نتيجه سي فلاكتمزي تشديدن باشقه برشيئي انتاج ايتمه چكي بديهيدر . ايشته رمضان شريف حلول ايتدي .

بوشهر جلیل عبادات و طاعات ایچون اغنام ایدیله جک مستتم بر فرستدر . بنابرین جمله من مأمور اولدیغمز سائر فرائض الهیه کی فریضه صومی ده آداب لازمه سنه رعایت شرطیله ایفا ایدرک مرحمت سبحانی بی استجلابه چالیشه لم . رمضان شریف عبادات و طاعات ایله اشتغال ایدیله جک بر شهر جلیل ایکن بر طاقم کیمسه لر مناهی و ملاهی به بوشهر مبارکده دها زیاده جرأت ایدیورلر .

سکوت ایدیله میه جک حالات الیمه دن بری ده مخدرات اسلامیه دن بعضیلری طرفندن تستر امرنده کوستریلن اثر لاقیدی و بر قسم ارککلر طرفندن قادینلر ده قارشی روا کوریلن تراحت شکنانه اطوار و حرکاتدر . حسیات نجیه اسلامیه ایله متحسس اولان بوتون قلبلر بومناظر غیر زیهه دن صوگ درجه متأثر اولمقددر . اوکی قادینلرک طرز تسترلری مقصد شرع شریفی تأمین اتمک شویله دورسون ، ارباب عفت ایچون واجب الرعایه اولان اک بسط لوازم آدابده منافی اولدینی کی و قسم ارککلریمزک یار و اغیاره قارشی پک چیرکین دوشن و فلاکت حاضره ایله پک فجیع بر تضاد تشکیل ایدن مارالذکر حاللری ده هر صاحب عقل و وجدانی متأثر قیلمقددر .

نظر تأسفله کوریلن و دفع و رفعی عن صمیم القلب آرزو ایدیلن حالات اُلیمه نکبت حاضره مزه بادی اولدیغندن بوندن خلاصمز سیئات سابقه مزه ندامت و طریق حقه معاودت ایتمک کمزه وابسته در . بوده کرک ارککلریمزک ، کرک قادینلریمزک احوال جاریه به نظر عبرتله باقوب بر حصه انتباه الملری و جبل متین شریعت غرایه اعتصام و دین میندک مقتضیات منیفه سنه رعایت ایتلریله میسر اوله جقدر . جناب حق جمله امت محمدی مظهر صلاح و فلاح بویورسون .

